

Na osnovu člana 38. stav 1. tačka 6. Statuta Opštine Bosansko Grahovo (broj: 02-02-1150/07 od 14.11.2007.godine), u skladu sa članom 62.i 69. Zakona o organizaciji organa uprave u Federaciji Bosne i Hercegovine ("Sl.novine Federacije BiH" br. 35/05 od 20.06.2005.g.), Opštinski načelnik d o n o s i :

P R A V I L N I K

O JEDINSTVENIM KRITERIJIMA I POSTUPKU IZBORA VOLONTERA IV, VI i VII STEPENA STRUČNE SPREME U ORGANE DRŽAVNE SLUŽBE OPŠTINE BOSANSKO GRAHOVO

I. OSNOVNE ODREDBE

Član 1.

Ovim Pravilnikom utvrđuje se jedinstveni kriteriji i postupak izbora i prijema volontera u organ državne službe Opštine Bosansko Grahovo, bez zasnivanja radnog odnosa (volonterski rad), sa pravom volontera na naknadu za prijevoz na posao i sa posla i naknadu za ishranu za vrijeme rada (topli obrok).

Član 2.

Pod volonterom u smislu ovog Pravilnika podrazumjeva se lice koje poslije završene škole IV, VI i VII stepena, nema radnog iskustva, već se prvi put stručno osposobljava za samostalan rad u organu državne službe.

Član 3.

Javni poziv za izbor-prijem volontera u organ državne službe raspisuje Rukovodilac organa i sadrži:

- a) naznaku da se radi o izboru-prijemu volontera,
- b) naziv i sjedište organa,
- c) predviđene uslove,
- d) vrstu stručne spreme,
- e) napomenu da se nezasniva radni odnos, nego de se prima na stručno osposobljavanje,
- f) spisak potrebnih dokumenata kojima se dokazuje ispunjavanje uslova javnog poziva,
- g) rok za podnošenje prijave, mjesto i način dostavljanja.

II. KRITERIJI ZA IZBOR VOLONTERA

Član 4.

Odabir volontera vrši se na osnovu sledećih kriterija:

1. trajanja nezaposlenosti nakon sticanja diplome IV, VI ili VII stepena stručne spreme,
2. prosjeka ocjena,

3. lice bez jednog ili oba roditelja koje nije starije od 25 godina..

Član 5.

Za trajanje nezaposlenosti nakon završetka škole dodjeljuje se sledeći broj

bodova:

- do jedne godine 3 bodova
- od jedne do dvije godine..... 5 bodova
- od dvije do tri godine..... 7 bodova
- preko tri godine.....10 bodova

Član 6.

Za prosjek ocjena dodjeljuje se sledeći broj bodova:

- kod sistema ocjenjivanja od "5" do "10" za ocjenu "9" i više dodjeljuje se.....10 bod.
- Za ocjenu "8" i više dodjeljuje se7 bod.
- Za ocjenu "7" i više dodjeljuje se5 bod.
- Za ocjenu "6" i više dodjeljuje se.....3 bod.

- kod sistema ocjenjivanja "1" do "5" za ocjenu "5" dodjeljuje se10 bod.
- Za ocjenu "4" i više dodjeljuje se7 bod.
- Za ocjenu "3" i više dodjeljuje se5 bod.
- Za ocjenu "2" i više dodjeljuje se.....3 bod

Član 7.

Ako je kandidat lice bez jednog roditelja dodjeljuje se..... 5 bodova.
Ako je kandidat lice bez oba roditelja dodjeljuje se..... 10 bodova.

II. POSTUPAK ODABIRA VOLONTERA

Član 8.

Postupak odabira volontera provodi komisija koju imenuje Opštinski načelnik.

Član 9.

Komisija razmatra prijave i utvrđuje redosled kandidata u skladu sa rezultatom koji se utvrdi dodjelom bodova prema kriterijima iz člana 5. do 7. ovog Pravilnika.

Nepotpune i neblagovremene prijave, kao i prijave kandidata koji ne ispunjavaju uslove javnog poziva, komisija neće uzeti u razmatranje.

Član 10.

Predsjedavajući komisije dostavlja listu kandidata iz člana 9. stav 1, ovog Pravilnika, rukovodiocu organa državne službe.

Odluku o odabiru volontera donosi Rukovodilac organa državne službe u formi

rješenja u roku od 15 dana od dana prijema liste.

Za volontera se odabire kandidat sa najvećim brojem bodova.

Ukoliko dva ili više kandidata imaju isti broj bodova, prednost ima kandidat koji je ostvario više bodova po prvom ili po slijedećem kriteriju.

Član 11.

Odluka o odabiru volontera dostavlja se izabranom kandidatu.

Član 12.

O izvršenom odabiru obavještavaju se svi kandidati koji su učestvovali po Javnom pozivu.

Kandidati čije prijave nisu razmatrane zato što su neblagovremene, nepotpune ili zbog neispunjavanja uslova poziva, odnosno koji smatraju da postupak odabira nije izvršen u skladu sa Javnim pozivom, mogu u roku od 15 dana od dana prijema obavještenja iz stava 1. ovog člana izjaviti žalbu drugostepenom žalbenom vijeću Opštine Bosansko Grahovo, ul. Vojislava Ivetića br. 2. Bosansko Grahovo.

IV. PRELAZNE I ZAVRŠNE ODREDBE

Član 13.

Ovaj Pravilnik stupa na snagu narednog dana od dana donošenja i objavljivanja u Službenom glasniku Opštine Bosansko Grahovo.

N A Č E L N I K

Duško Bilčar

Broj:02-05-96 /08

Dana: 21.01.2008.g.